

Yiex Kuad Mai Siliak

a grandma and a mirror



Wa, Parauk

Yiex Kuad Mai Siliak
a grandma and a mirror

Cao tiem lih : Yi Sar Khe, La Hwa,
Cha Yi Me

Cao Pawd Riieng : Hennie, Ho Sar

Lox Lai Shiao : Lai Vax

Teei Khaing : lai been Nusu

Cao Toe Lih : Samlao Pao

Bawg Plih Lih : Bawg (1)

Khix Num : 9/2021

Author : Yi Sar Khe, La Hwa,
Cha Yi Me

Illustrator : Hennie, Ho Sar

Original Language : Nusu

Translated Language : Wa

Translator : Samlao Pao

Edition : First Print


Date : Sep / 2021

Wa, Parauk
Myanmar


Copyright © 2021, Literature Department Of WBC, SIL

For permission to reuse, contact the copyright holder.

Yiex Kuad Mai Siliak



Didix koe yaong tix yaong pa singai ot khaing veng heue. Daux yaong an koe yiex kuad tix kaux, tix ngaix yiex kuad hu lailing kadaux veng heue. Yam an nawh ang sax yaox siliag yam nawh yaox siliag yiex kuad hu jhak ka sikah an heue. Kheu sikah yiex kuad ka siliag riieng pui daux siliag an hawt ti sikah awm pa ah nawh heue.



Yiex kuad nyiah ka jhak siliag yam an riieng pui daux siliag kawx rieb ti nyiah ka nawh heue. Khaix an yiex kuad yaog ti cung mai riieng pui daux siliag kawx rieb ti cung heue. Yam an yiex kuad kied lhat mai khlaix lox tix ah "Eue . . teem ka aux liak" mai to hu khaing tan heue. Viang mawh nan ceu pa yaox yiex kuad mawh siliag ngie heue.

Lak Mai Khet



Didix koe rawm dung tix dung khet tix mu ot daux rawm dung an heue. Seh dung an koe gawng mai khaox, nyiex ma lak tix nyiex kix ot piang khaox tan heue. Tix ngaix kheu sang cu koek khet haok ot piang tiex toi dung ot nawh heue. Lak pa sawg priex ih simie ti nyaux rawm mai hu ka dung ot khet heue. Yam yaox lak ka khet nawh sang khre ih khet heue.

Khet ah ka lak "O! paox grawm maix hoek yuh patix lie?" Lak ah "O. . aux simie ti nyaux rawm mai sang viex kawn aux kix ih nex maix heue." khet ah "Pau tivud paox

gawm, kheu aux mawh pa cheung ka ah lox leng aux simie ti ah maix mhong lox leng sang nghiit maix lie?" Lak deeh ah "Eue.. aux sang nghiit heue." Yam an khet ah lox leng "O..paox gawm eue di di.. do.. di di .. ang chix piawm ka maix." Lak nyiah "Khi khi khi . . maix rug chix ah lox leng tete heue. Aux sang viex maix ah kawn aux kix mhong lox leng" mai ah nan ka khet heue.

Khet deeh ah "Aux sang ah lox leng bawg khoik tix bawg mai aux hawt khaix maix awx." Lak ah "Ang mawh bax maix ah sivoe kawn aux kix heue." Yam an khet ah ka lak "Ang mawh paox gawm, aux sang ah baox tix bawg son aux ang piawm" lak khaw rhawm ka lox khet heue. Khaix an khet "O.. paox gawm eue di di.. do.. di di.. aux hu ka maix awx" ah mai "Plum" phuh laig kadaux rawm heue.

Yam an lak ah "O.. paox gawm eue di di.. do.. di di..ak ak ak. Ak ak.." yiiem nyaux rawm tan heue. Dee ghoik lak ang yaox viex priex ih son kawn tix mai ing geu dee ot tix heue.

Keeing Mai Kawn



Didix yaong tix yaong koe keeing mai kawn pa yuh ma kiex keud sawg yuh cie ma khraox heue. Kheu hoek bawgyam kid ma soh ma kawn mai keeing kiex hu sawg dah dee mhawm daux tiag heue. Khaix an kiex khre ka kraung shiao tix pa mawh vaid, moe mai priex ih kuceu heue. Ngaix khaix keeing mai kawn kiex thong pui yaong tiblah hu kid ma heue. Yam hoek daux tiag keeing mai kawn kiex sum nyiex gox tix mu phao ka heue.

Keeing mai kawn kiex ang lai ing daux yaong ot daux ma ku ngaix heue. Tix ngawb cao cao khaix hoik ih eep diag, nyaux chax keeing mai kawn lih yuh kaing daux ma tix heue. Keeing loe ti mat si-ang ngawng ka moe, nawh ang lai pon yuh kaing mawh ngie kawn pa yuh kaing nong heue. Kawn baox yaox kia ka keeing khaix an yaox ti soh ma nong nong heue.

Mawh kheu hoik soh pui yaong ka ma tix kix hoek kok keeing mai kawn ing daux yaong heue. Pui yaong kix yaox saux caong keeing mai ang kaing yuh kawn nawh hoik kawx kix chaox rhawm kah heue. Pui yaong kix rom ti teem kiex soh ma ang bax rheeng kix hoik soh ma uik heue. Viang keeing ang nyang pon yuh kaing kawx kheu krax moh krax rhawm krax chaox rhawm pui yaong kiex yaox ti hoik kaing awm pui heue. Keeing mai kawn mai kix pui yaong gaux rhawm mai ah lox leng khawm ing ka nyiex heue.

[Phan grum rhawm rom paox, mawh riang rao mhawm hoik ka kaing jhaw kuceu heue.]

